



janpoets@hotmail.com. poetshow/facebook.com

TSUNAMI RECORDANDO SU 10 AÑA DI EXISTENCIA...

Awe ta gradici e musiconan cu a bin na e idea pa forma Tsunami.

**** Dia 2 di januari ultimo e popular agrupacion musical Tsunami a cumpli 10 Aña di existencia. Por bai spera hopi sorpresa durante 2014 pa cu e gran celebracion aki di un di e bandanan musical mas exitoso di Aruba. Awe Tsunami ta recorda y gradici e musiconan cu a bin cu e idea pa forma Tsunami. E historia di Tsunami:**

No ta un secreto con e brassband popular D2U365 a lanta un banda excepcional esta Tsunami. E concepto di e banda Tsunami a tuma 2 Aña

pa por a bira un realidad. E personanan clave di e brassband tabata ancioso pa trece un cambio den e musica cu nan tabata crea. E persona nan aki ta Jaws Rasmijn, Poppy Kock, Juni Richardson y por ultimo Bobby Gibbs. Asina nan a sondia diferente alternativonan cu por wordo combina pa asina bira un style unico cu nunca antes bisto na Aruba. Jaws Rasmijn a trece e concepto di e banda dilanti pa nan road manager esta Rimerberth Croes. Mesora Rimerberth a bai di acuerdo y a kere den e idea y asina ela tuma

e banda y a carg'e. Nan objetivo tabata pa crea un banda cu por mustra, zona y basicamente hasi tur cos den un manera cu nunca a wordo hasi na Aruba prome.

Aparencia; Mayoria biaha bo lo wak e banda aki bisti full na blanco, locual ta refleha e puresa di e energia cu cada un di e intregante nan na dedica den cada presentacion. Nan a hasta duna presentacion pia 'bou, esaki ta pa djis refleha na humildad y nan conexcion cu e mundo rond di nan. **E zonido;** Nan ta usa instrumentonan di percusion cual ta bini di diferente skina rond mundo incluyendo Africa, Brazil y Cuba. Hopi di e instrumentonan aki tabata parti di e colleccion personal di Jaws Rasmijn. Cambiando di brassband pa un Top banda musical no tabata un tarea facil, pasobra tabata tin mester un director musical y naturalmente cantante. Mientras cu D2U365 tabata tin percusionista nan, trompetista y tocadonan di trombone. En realidad tabata tin un cantante den D2U365 esta Dr. Steeve cu tambe a uni su mes cu e banda. Bobby Gibbs a bin cu e idea pa

traha hunto cu Ofo Escudero cu por cierto tambe tabata un miembro di D2U365 desde e comienso. Dj'ey a toca turno na Ofo, unda cu a aserca Sashah Figueroa hunto cu Michael Odor pa tambe ta parti di e proyecto. E equipo di D2U365 a uni hunto cu Ofo, Sashah y Michael pa asina por a lanta e banda. E banda no tabata tin un number te cu despues di un di e prome training nan, Unda cu Juni Richardson a propone e number: Tsunami. E decision tabata unanimamente, e ta un number cu ta representa e puresa di awa hunto cu e forza y energia di e ola. E dinamico y incansabel road manager Rimerberth "Pilili" Croes a expresa cu "Nos musica y presentacion nan ta puro ..Nos ta hasi'e di curason ..E forza y energia cu nos ta pone den cada presentacion ta contagioso!". Tsunami ta gradici tur e musiconan cu a forma parti durante e exitoso 10 añanan. Den e proximo edicion lo amplia riba tur e integrantenan cu tabata forma parti di Tsunami como tambe e actual Tsunami.. keda pendiente!!!



**** Juni Richardson...**



**** Jaws Rasmijn..**



**** Poppy Kock..**

